



MARYMA

Ramhlun North YMA Chanchinbu

“YMA thuvawn: YMA chu tanpui ngaite tanpuitu”



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 22

Ramhlun North: Ni 30 May, 2026



BRANCH THU

■ Ramhlun North Branch YMA chuan thuchhuah siamin ni 26, 2026 (Thawhlehi) zing kara Chanmari, Aizawl a tleirawl inkhawih rawna a kan veng mi an tel chu zahthlak a tiin a dem hle a. Hetiang thil a thlen tawh loh nan leh a tih rem kawngah a tul angin hma a la zel tawh dawn a ni.

■ FORMOSA Foundation hnen atangin CYMA kaltlangin ni 23.5.2026 khan oxygen concentrator pakhat kan dawng.

■ Taitesena Section-te chuan chuan Branch Budget ₹ 10,000/- an pe tla.

■ Neuva Section-te chuan Branch Budget ₹ 5,000/- an pe.

■ Khuangchera Section-te chuan Branch Budget ₹ 10,100/- a pe tla a, ₹ 100/- in an khum bawk.

■ YMA Day Organising Committee member-te chu tunlai hian an tul hle a, Flag siam leh YMA Day lawmna atana inbuatsaihna hnatlang an nei chho deuh reng a, tum eng emaw zat an hnatlang tawh a ni.



SECTION THU

■ **Neuva Section:** Pi F Hranglawmi te chungkua, N-Sec. chuan an pa Pu Lalduhawma (Fam) hriatrengha atan Neuva Section te sound box pahnih leh horn te tha tak mai min pe a, thilpek petute chungah section hruaituten lawmthu an sawi.

■ **Taitesena Section:** Pi Lalsangpui te chungkua, T-Sec. chuan an pa Pu Lalhualhima (Fam) hriatrengha atan Taitesena Section-te Sound box tha tak pahnih min pe a, thilpek petute chungah section hruaituten lawmthu an sawi.

■ **Saizahawla Section:** Section sumtuak nan pickle zuarin an hnatlang a, tlawmngaih chhuaha pickle leisaktute zawng zawng hnenah lawmthu an sawi.

Library duty turte:

1. Samuel Vanlalnghaka, N-Sec.
2. PC Lalrindiki, V-Sec.
3. Lalfelfamkimi, V-Sec.
4. Lalmuanpuii, C-Sec.
5. Lalremruatkimi, K-Sec.
6. Lalhruaitluangi, T-Sec.

CHHIATNI FUND KHAWN ZAWH A NI

(₹ 18,41,324/- lai khawn chhuak thei)

Ramhlun North, the 30th May, 2026: Ramhlun North Branch YMA Executive Committee in a rel angin vengchhunga Chhiatni Fund khawn chu zawh a ni. Hetih rual hian vengchhungah lut leh chhuak kan awm reng avangin chhiatni fund hi a la lut reng tho a, a nawlpui anga khawn chu zawh a ni thung. Chhiatni fund khawn chungchangah Vengchhung mipuite inlungualna leh tanrualna a lang chhuak nasa a, a lawmawmin a hlu takzet a ni. A bik takin, harsa zawkte hrethiam a, midang kepna nena thawhtute chetzia hian vengchhung a timawi zual hle. He hma lakna tha leh duhawm tak hi kan chin chhunzawm zel tur thil mawi tak a ni.

Kumin hian Chhiatni Fund thawhtu hi chhungkaw 1,427 zet kan tling a, hei hi nikum (2025) laiin thawhtu mi 27-in kan pung. Sum tling zawng zawng pawh ₹ 18,41,324/- lai a ni a, nikum aiin ₹ 1,37,324/- laiin a tam zawk a ni. Tin, Ramhlun North Presbyterian Kohhan Hmeichhia ten Chhiatni Fund atan ₹ 30,000/- an rawn thawh bawk a ni. Thawhtu zawng zawng chungah Branch YMA chuan lawmthu a sawi tak meuh meuh e.

Chhiatni fund atang hian tlaivar zan ah Sawhchiar leh thingpui senso atan ₹ 18,000/- atanga ₹ 20,000/- bawr vel hman thin a ni a. Dispo cup leh plate Spoon lei nan ₹ 1,500/- leh ₹ 2,000/- vel, Mitthi buhfai lei nan ₹ 1,900/-, Kuang atan ₹ 4,000/-, thlan laihna atan ₹ 2,000/- leh thlan chung khuhna atan ₹ 2,000/- hman thin a ni. Heng bakah hian Gas leina leh Motor Diesel leh maintenance atan hman thin a ni bawk.

A hnuai tarlan hi Section hrang hrang atanga chhiatni fund luh dan chu a ni:

SECTION	CHHUNGKAW ZAT	TOTAL
VANAPA	289	4,99,668
TAITESENA	253	4,40,080
CHAWNGBAWLA	263	3,36,126
NEUVA	146	1,78,200
SAIZAHAWLA	228	1,94,500
KHUANGCHERA	248	1,92,750
GRAND TOTAL	1427	18,41,324

MEET THE AUTHOR

(June ni 6, 2026 ah hmang dawn)

Ramhlun North Branch YMA hnuai Library Sub-Committee chuan June 2026 atangin Meet the Author hun an hmang dawn a. He hun hmanpui tur hian Mizo Academy of Letters (MAL) in Book of the Year, 2025 atana an thlan, 'Kham leh Suar', tih ziaktu Pu Lalrammawia Ngente, Luangmual West chu sawm niin hun a rawn hmanpui ang.

Meet the Author hi a remchan dan anga hman tum niin a hmasa ber atan June 6, 2026 Inrinni chhun dar 11:30-ah YMA Library-ah hman a ni dawn a. He hunah hian May 2026 chhunga Inrinni tin Library hawn apianga kal kimte lawmman semna hun hman nghal tur a ni ang. Kal kim lawmman hi Pu Ramtea hian a sem nghal dawn a ni. May 2026-ah hian Inrinni wawi nga (5) awmin Library Member mi 40 bawr velte chu kal kim niin lawmman hi an dawng ang.

Meet the Author-ah hian Mizo ziaktu lar tak tak sawm zel tum a ni a, hetiang hun an hman chhoh tur hi veng chung mipuiten hlutpua, telpua tawiawm zel turin Library Sub-Committee chuan min sawm a ni.

Pu Ramtea hi kan Veng pa ni reng thin a ni a, kum 1998 khan tuna an chenna Luangmual West-ah hian an pem a ni. Kum 1989 atangin MAL hian Book of the Year an thlang tan a, kum 2009 khan ama ziah tho 'Rintei Zun Leng' tih khan Book of the Year a lo dawng tawh a. Tun hi tum hnih a dawna niin Book of the Year wawi hnih dawng tawh mi tlemte te zinga mi a ni.



TLEIRAWLTEKAN VIL ULUK ANNGAI

Tun hnai a kan khawpui dinhmun, a bikin zan lama tleirawl leh thalai zawkte zingah tharum hman leh kut inthlak rawnna thleng a tam ta hle mai hi thil pawl tak leh ngaihtuahna ngai tak a ni chho ta. Tleirawl zingah tharum hmanga hnehna chan tum tlat nungchang lo lar ta hluai hi kan khawtlang nun tan a hrisel loh mai piah lamah kan khawtlang himna ti derhawng tu a ni chho ta mai hi thil pawl tak a ni.

He harsatna kan hmachhawn mek, a bikin tleirawl rual zinga tharum thawh hreh miah lo nungchang lo piang hi a bul berah chuan chhungkaw inenkawlina khauh tawh loh vang leh an zalenna a dik lo zawnga an hman vang a ni ber a. Hetah hian nu leh pa leh chhungte mawhpurhna a lian hle a, mahni fate khawiah nge an awm, tunge an kawm, a bikin an zan chhuak leh an chet velna hmun hrang hrangte hi uluk taka kan thlithlai thin a ngai a ni. Chutih rualin mimal leh chhungkaw hmalakna ringawt a tawh tawh lova, Kohhran bakah khawtlang hruaitute thleng pawhin mawhpurhna kan nei vek. Counseling' leh 'guidance' pek kawngah hma kan lak thar a ngai a. Khawtlang hriselna tichhe thei lakah fimkhur taka veng chhunga zan vak leh thian ho tawm khawm thin te pawh hi ralkhat atanga thlir liam mai lovin, an chetzia uluk taka en zui a, kan vil peih an ngai a ni.

Tharum hian tharum dang bawh a hring thin a, chu chuan kan khawpui zia zawi zawia tichhia in kan hnam nungchang mawi a chimral mek a ni. Aizawl khawpui zan nun hi thlamuanawm, zalen, leh him taka kan hman chhonzawm zel theih nan mimal, chhungkua leh khawtlang kan tanrual a hun ta hle. Kan hma lawka chhiatna lian zawk kan tawh loh nan leh kan pumpelh theih nan tan kan lak thar a ngai a, Zo nun ze mawi 'tlawmngaihna' leh 'inzah tawna' hi inzirtir thar leh ila, chutiang tur chuan chhungtinte pawh i inbuatsaih thar leh ang u.



KHAWTHLIR

FANAI SILAI KHAWH THLAKNA

"Fanai Silai Khawh Thlakna" hi a hmunah chuan thil mak tak emaw mawi tak emaw lam a ni lem lova. Mahse, Mizo chanchinah hmun pawimawh tak a luah a. Farkawn ram chhung, khua atanga khaw chhak lam mel 2 vela hlaah a awm. He hmuna Fanai hovin silai an khawh thlakna chhan chungchang hian Hualngo leh Sailo indo atanga intan a nih avangin chanchin sawi dan tlangpui kan lawr dawn a ni.

Hualngo leh Sailo an indo hmasak laiin Fanai Rorehlova chuan Hualngoho hnenah "Belrawhmual min pe ula, Thlantlanga kan pute ho kan pun ang a, Sailoho kan dopui ang che u a, kan hnawt bo vek dawn nia," an ti a. Hualngoho chuan rem an ti mai a; mahse, Zahau Bansawtho chuan rem an ti lo thung a. Chutia, ngaihdan a phir takah chuan an hnar ta a.

Hualngo laka a hlwhchham takah chuan Sailo ho hnenah Rorehlova chu kal lehin, "Pute u, hei, Hualngo nen in indo dawn si a, keini nen tangho ila, sum khawn ula, Thlantlanga kan han kawrawih ang a, Hualngoho chu i hnawt bo daih ang u," a ti leh a. Anni chuan lo remtiin sum an khawn a; Rorehlova pawh chu Thlantlangho chuan an awmna lamah Hualngoho nen inremna an lo siam tawh avangin Hualngo do chu an lo duh lova, hlwhchhamin an kir leh a.

Sailoho tang khawm chuan Luangkawna Hualngo leh Zahau awmho chu ep turin Sialhauah an kal khawm a, an tam khawp mai, sang an tling e an ti. Luangkawnho thung erawh chu zathum vel chauhah an inchhal a. Luangkawn kulhte chu Sailoho chuan an thiahsak vek a, mahse Luangkawn ho chu an lo tan ve tlat avangin luhchhuah thei lovin an kirsan leh a.

Luangkawn ho chu Sialhau bei turin an thawk chhuak ve thung a. Hei hi hre lawk lovin Sialhau pawh chu Luangkawnho beih tumin an lo thawk chhuak ve mek bawh a. Kawng lakah an intawh ta mai a. Luangkawn ho chuan an hriat hmasak avangin kawm pakhatat tan hmun siamin ruang chaicheh an thlak a, an chan a that tak zawk avangin hnehna an chang a, Sailoho chu a tlanche ta zawkah an tang a, Vuttaia erawh Hualngoho chuan an man a. Vuttaia chu an beisei angin an rawn tlan mai loh avangin Rallang khuaah Chengtawnga leh Hualdanga te hnenah an thawn chho a, kum sarh lai a han tang nghe nghe. Kum 7 Rallang khuaa a tan hnu chuan Vuta chu an han tlan chhuak a. An tlan chhuah dawn chuan, "Tun hnuah Hualngo laka nun chhiat ka bawl chuan chhimlei angin ka

hnuaihning ang a, nangni thangvan angin in chungnung ang," tiin chhia an chham tir a.

Hun kal zelah chuan, Vuttaia pawh chu lal ropui tak a lo ni ta a. An vela Hualngo erawh an darhin a awm chhun pawh an te ta hle a. Tiau rala Hualngo hovin an hriat chuan an thinur hle mai a. Vuttaia hnenah chuan do la turin Zahuata leh Darhnawka an zu kal a. An chona thu an chhak chhuak zui ta nghal a. Tichuan indo tur chuan an inbuatsaih ta nghal a. Hetih lai hi Lungdara Vuttaia a awm lai a ni a; Hualngoho vana kha a hre reng nge ni Rullam lamah a kaisan a, a fate do atan a tlanan ta a. Chutia, indo tura an inbuatsaih lai chuan Zahau Bansawtho Leh Fanaiho chuan indo an lo tum ve mek a. Fanaiho chuan Vuta thlahte chu tan rualpuiah an sawm a, Zahauho chuan Hualngoho tan rualpuiah an sawm ve thung a.

Fanaiho chuan Tiau atanga mel 10 leka hlaa awm Singai khua chu an han run a. Mi 7 lai an that an ti. Chung hunlai chuan Zawngte khuaah Hualngo pasaltha Darhnawka a awm a. Amah hi pa awmkhauh pui, chak tak, kawhhsen em em, thbaiawm tak a ni. Hafang hrawpui a nei a, chuvangin mi tam takin ngho nei angin an sawi thin.

Muallianpui khua an run tum pawhin Fanai pasaltha Thangseia a man a, a bawhbet a, "Tun tum chu hriamhrei tel lovin kan that teh ang," a ti a, a hrawkah a seh sak ngat ngat a; Thangseia chu a hmunah a thi nghal an ti. Chutia Singai khua in run an tawh takah chuan an khaw thenawm Zawngte khuaa Hualngo pasaltha Darhnawka chu pun in, anmahni run tumtute chu an um ta a.

Fanaiho chuan Saikhumphaiiah Tiau lui an kan hman chauh thih Darhnawka hote chuan an um pha a. Sawi dan thenkhatat chuan Darhnawka hote hian Tiau lui an kan hman Tiau kamah chaw an fak hmasa a. Ral lehlam atang chuan Fanaiho chuan an rawn kap thin a, a chaw ei pawh a thulh duh chuang lova, kah pawh an kap fuh thei lo an ti. Hemi tum hian tawh loh puan a sin a, a tawh loh puan sin erawh chu an kap pawp nual an ti. Chutichuan, Darhnawka chuan "Keimah Darhnawka pawpi si'ng" (Keimah Darhnawka Sakeia ka ni ngai e' tihna) ti-a a hming chhalin Fanaiho chu a um a. Fanaiho chuan Darhnawka'n a um tih an hriat chuan hlau baklengin Farkawn lamah an tlanche chiam a. Darhnawka leh a hote chuan um zelin mi pahnih chu an kap hlum a ni awm e. Fanai ho tlanche zel chuan Farkawn rama kham pakhat an thlen chuan an chau tawh lutuk a, an silai pawh chu thlamuanpui zo tawh lovin hnawksak leh ritsak mai a lo chang ta a, an sa himna tur a nih zawk beiseiin an silai chu, chu khamah chuan an pah ta vek mai a, chu kham chu tun thlengin "Fanai Silai Khawh Thlakna" tiin an vuah hlen ta a ni.

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, , Henry VL Nghilhlova Zote

Manager: Lalremsanga Hnamte (8974845644); **Asst. Managers:** Zodingliana, Lalrinchhana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte

Circulation Managers: PB Lalhuapzauva, Samuel Lalhlupua, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

ZIN & HAW

- Pu Rorelliana, Branch Treasurer te chhungkua chu Shillong-ah an zin.
- B. Lalremruati d/o Lalrochama, V-Sec. chu chawlh hmangin a zirna hmun Vadodara, Gujarat atangin a lo haw.
- NI. VL Serafi d/o VL Zahawma, V-Sec. chu a zirna hmun Coimbatore atangin chawlh hmangin a lo haw.
- NI. Rosaline Lallawmsangi d/o M. Vanramnghaki, T-Sec. chu a hnathawhna hmun Lawngtlai atangin a lo haw.
- Pu Ruata Zote, C-Sec. inentir a Kolkata-a kal chu a lo haw leh ta.
- Pu C. Lallawmsanga te chhungkua, N-Sec. chu chhungkaw thilah USA-ah an zin.
- K. Liansangzela s/o K. Vanlalrova, N-Sec. chu Younix Sunrise All India Sub-Junior (U-15 & 17) Ranking Badminton Tournament, Hyderabad a neih mek ah khel turin a kal.
- Pi Lawmzuali, S-sec. chu a u boral avangin Siaha a zin.
- Pu R. Lalremruata, S-Sec. chu Kolkata Manipal Hospital-ah in check-up turin a kal.
- Pi Zomuanpuii w/o RL David Lalnunfela, S-Sec. Kolkata-a in check-up a kal chu an lo haw leh ta.
- Pu Lalramchhana te nupa, K-Sec. chhiattawhna avanga East Phaileng a zin chu an lo haw leh ta.
- Pi C. Ronguri w/o V. Lalnunzira (Fam), N-Sec. chu in check-up turin Kolkata-ah an kal. A fapa Pu Lalfakzuala, leh a fanu Pi Lalhmunsangi, C-Sec. ten an kalpui.
- Pu Biaksailova leh Pi Lalngaihawmi te nupa N-Sec. chhungkaw thila Pukzinga zin chu an lo haw leh ta.
- Pu FK Lawmsangzuala, N-Sec. chu treatment la turin Guwahati lamah an kal.

LAWMAWM

- Tv Benjamin Lalthanpuia s/o Rev. R. Ramnghinglova, N-Sec. chu ZMC&H atangin MBBS a zir zo.
- Pu James Laithansanga leh Pi Zaithangpuii, K-Sec. te nupa chuan ni 27.05.2026 khan Civil Hospital, Aizawl ah fanu an nei.
- Pu Zasangzuala Hrahseleh leh Pi Zothansangi, K-Sec. te nupa chuan ni 28.05.2026 khan Synod Hospital, Durtlang ah fapa an nei.
- Lalruatkimi Khiantge C-Sec. leh F. Ramdinmawia s/o F. Vanlalmuana, Armed Veng te chu ni 29.05.2026 khan Salvation Army, Armed Veng Society ah an innei.

DAMLO

- Tv. Zothankhuma, (Cir. Manager), K-Sec. chu Nazareth Hospital-ah taksa lam chaklohna avangin enkawl mek a ni.
- Pu Chalhmingthanga, C-Sec. chu Synod Hospital, Durtlang atangin dam takin a lo chhuak leh ta.
- Pu Lalhmunsiamia Varte, C-Sec. chu Aizawl Hospital-ah enkawl mek a ni.
- Laldikkima s/o R. Lalmuanpuia, C-Sec. chu LRM Hospital-ah enkawl mek a ni.
- Pu Lalthanfala Khiantge, N-Sec. chu natna hrang hrang avangin Synod Hospital, Durtlang ah enkawl mek a ni.
- Tv. Samuel Vanlalruata s/o RCHminga, S-Sec. chu Trinity Hospital-ah a khup dik lo zai a ni.
- Elyse Malsawmzuali d/o Robert Lalfakzuala, K-Sec. Synod Hospital, Durtlang a awm chu dam takin a lo chhuak leh ta.
- Thakima Ralte s/o Lalthanzama, K-Sec. chu Influenza avangin Ebenezer Hospital-ah enkawl mek a ni.
- Edlyn Lalfakzuali d/o Vanlalzawna, K-Sec. chu Nazareth Hospital atangin dam takin a lo chhuak leh ta.
- Pu Zolianzuala s/o Lalhualhima (Fam) T-Sec. chu ZMC&H ah enkawl mek a ni.

PAWL DANG

- **Mizoram Consumer Union, Ramhlun North Branch:** Kum 2026-2027 Mizoram Consumer Union, Ramhlun North Branch Office Bearers-te: President - Pu Tlangtimawia Zote Vice President - Pu H. Lalzarliana Secretary - Pu C. Laizawna Asst. Secretary - Pu K. Lalbiakkima Treasurer - Pu K. Lalnithanga Fin. Secretary - Pu K. Romawia

THILDANG

- **Ruangchhuak:**
 1. Pu HB Lalbiakhluna, K-56 chu ni 27.05.2026 dar 02:00 PM khan LRM Hospital-ah boral a, a ruang hi Pu Sangkamlova, C-Sec. te chuan la in damdawiin atangin an khua Sesawng panpui nghal a ni.
 - **Lawmthu Sawina**
Kan bialtu MLA leh Education Minister ni bawk Dr. Vanalalthlana'n kan school tan nasa takin hma min laksak a.
 1. Kan School Provincialised Status ah min hlangkai a.
 2. Kan mamawh em em teacher min rawih sak mek a.
 3. School kawt, zunin panna step leh lungrem te tha takin min siamsak a.

Zirna atana thahnemngai, kan thlamuanpui leh min duhsaktu MLA kan nei hi vannei kan inti tak zet a. A chungah thinlung takin lawmthu kan sawi a ni.

Headmaster & Staff* Ramhlun South High School, Aizawl, Mizoram

KEIMAHNI

- MARYMA ten HSLC leh HSSLC pass lawmnaa Certificate la lam lo ten NI. Lalrotluangi Zote, Joint Editor hnenah lam theih a ni e. Tin, hming siamthat ngai a awm pawhin inthlahrung lo a inhriattir theih reng a ni.

LOCAL COUNCIL

- 1) Local Traffic Management Committee hmalak na in vengchhungah duty tur rawih a ni a, lirthei neituten harsatna siamtu ni lova kan lirthei te dah phal lohna hmun ah dah lo turin kan inngen thar leh a ni
He hmalakna hi kan veng kawng thawl leh nuam zawk kan neihna tura thil pawimawh tak a nih avangin, tlawmngaihna rilru pu chungin a tul dan ang zela duty-te lo pui a, an hna lo thawhpui turin veng mipuite, Local Traffic Management Committee chuan min sawm a ni.
- 2) Khawlaiah Ui chhuak hmuh tur a tam chho leh tan viau mai. Khawtlang tana hnawk a nih loh nan leh, mahni ui chhuak te man leh in chawitir ngai lo turin ui vulhtute kan fimkhur thar leh a ngai takzet a ni.

KOHRAN

- **Presbyterian Kohhran, Ramhlun East:** Ni 28.5.2026 (Ningani) nileng khan Sacrament Department zirtirtute leh zirtu te chuan Synod hmun pawimawh hrang hrang te tlawhin hun an hmang.
- **Baptist Kohhran:** Naktuk Pathianni hian Bial Sunday School Campaign neih a ni ang a, Bial hruaitute hun an rawn hmang ang.
- **Salvation Army:** Ni 30 May, 2026 (Tawngtai Inkhawm) atanga ni 31 May, 2026 (Chhandamna Inkhawm) thlengin Headquarters atanga ruahmanna siam angin TEM Speaker ten hmun hrang hrangah crusade an nei dawn a, Ramhlun Corps-ah pawh Evan Lalhnenthlanga Varte, Isua Thiante Team in hun a rawn hmang ang.
- **Roman Catholic:** May 18 zan dar 7:00 PM khan Mass Inkhawm neiin Kohhran Hall-ah pawl 10 & 12 pass tharte lawmpui na hun an hmang. He hunah hian Rising Day lawmna program an hmang tel nghal.
May ni 24, 2026 (Inrinni) khan CTP hmalaknain Selesih leh a chhehvelhah thingkung 43 phun a ni.

BOARD EXAM

Regular class kal hman lo te tan Class X leh XII kumin October (2026) exam duh tan offline exam (NIOS) leh online exam (BOSSE) hnuaiyah admission hawn mek a ni. Nakkum April 2027 Exam duh tan pawh admission hawn mek a ni. Fee hi installment in a theih e. (4-1)
Contact: 8837052293, 8575287058

SHEBAH TUI

Tui thianghlim chawi tur a awm reng e.
₹ 0.12/ltr. Leitan Ramthar Zuangtui Road.
60096 84085/8119865717 (5-1)



ARTICLE

A THA BER PHAWT LE

- K. Kawlkhuma, N-Sec.

“Jordan lui kamah ka ding a,
Nghakhlel takin ka thlir”

tih hla kan sak apiang hian Mosia kha ka mitthlaah a cham thin. Mosia nun leh hun hman dan kha rilruah a rawn lang zut zut a, sal nausen rilrama thi mai tur kha thawklehkhatah Aigupta ram lal fapaah a chang thut a, a vanglai a chen tan dawn chauh a, a ropuina ram chu tlan chhiat san a ngai leh a. A hnawl leh phatsan theih loh koh luihna “Aw” avangin amah hek tla tawpui Israel te chhanchhuak tura pen chhuah a ngai a, chu mite bawhchhiatna avang chuan Nunna Bua a hming chuang hial tawh pawh chu a dahkham a ngai thul. Kum 40 zet a hruai hnuah Ram Tiam Kanaan an lut dawn ta. Kanaan ram luh hlut zia hre chiang em em tur, Aigupta atanga chhuak la dam chhun, mi pathum chiah an awm a; Mosia, Joshua leh Kaleba te. Mosia tan phei chuan a hlu leh zualin a va nghahhlel hawm dawn em! Mahse, pen za tam a pen hnuah pen sawmhni h khat leka hla awm tawh, Jordan lui chiahin a dal tawh chu a dai luh remtihsak a ni ve ta lo.

Chu Jordan lui kam atang chuan Kanaan ram khawizu leh hnute tui luanna chu a lang cham phei duai mai si a. Ka suangtuahna mitthlaah chuan Mosia chu Lalpa'n a phalsak angin Moab phai atangin Jeriko zawna Nebo tlâng, Pisga tlâng chhipah chuan a han chho va. Kum 120 mi lai a ni tawh, a tiang rula chang thei chu a hawl chho bauh bauh a, nisa wawl wawl hnuai chuan kum 40 chung zet mai a lo vahvai hui pawh leh zan tam tak a lo mangphan tawh thin, nghakhlel taka a luah luh hun tur a lo thlir thin chu ral thlir turin muang changin tlang chhip chu a pan chho chhat chhat a, a kaihza tha khur dar dar chung chuan kawng sira lung chungah chuan thuin a tuithawl pai chu a'n hawng a, a tuisik pai lum deuh puat tawh chuan a dang an hnawn leh khalkhalh a. Hahthikulin tlang chhip a thleng ta. Ramtiam Kanaan chu a han thlir vang vang a, a sam leh khabe hmul var vau tawh chu Kanaan ram atanga thlifim lo thaw heuh heuh chuan a rawn chhem leng siau siau mai, a biangah chuan a mittui chu a lo luang ngiai ngiai a, a luah ve theih loh tur chu a ngai a ni ngei ang le.

Ni e, Mosia tan chuan Kanaan ram luh ve theih loh tluka tawrh har tur a awm thei lo ang. Mosia kha ka suangtuah anga kum upat avanga tar chak lo tak emaw a lo ni hauh lo. Khatih hunlai khan Mosia chu a mit a thim lova, a tha pawh a thum chuang lo hi a lo ni a. Taksa lamah chuan Kanaan ram lut tur khan a la fit tha em em a ni. A tan khan hriatthiam hi a va har dawn thin tak em!

A chang chuan kan hring nunah hian eng ngati bik nge? Mi fate chuan an thei bik si a, kei hian ka tlinin ka theihna pawh hian a phak tho si a ka theih loh bik le tih hi kan tawng theuh awm e. Mahse, kan tana ruat anih loh chuan Mosia ang hian ral thlir ngaih tlat chang a awm thin. Pawimawh ta zawk chu kum za tam a liam hnuah pawh tunge ropui ta chu ni a, tunge chawimawia awm chhunzawm ta ni le? Hmel danglamna tlangah khan Kanaan ram lut ta nge luah zo lo Mosia kha ropui reltu? Tuna kan awmna leh kan dinhmun theuhah hian history ropui kan hnutchhiah theuh thei a, eng vangin nge he hmuna hian emaw he dinhmun thleng chauh hi ka luah le? Chawimawi leh faka ka awm reng theih nan a lo ni mai lo maw?

Tuna ka nihna leh awmnaah hian keimaha a tha ber hi fak tlak leh chawimawi tlakin pho chhuak ila, raltlan vakvai mai mai Mosia pawh Israel fate Hruaitu ropui taka siamtu Pathian hian, talent khata kan rinawm phawt chuan, dinhmun sang zawkah min hlang kai em em ang.



ADVERTISEMENT

SP TUI

(10-2)

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047

JM SEPTIC TANK SERVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: *inbiak remna.* Registration: MRS 542

Contact: 9862476439 (10-1)

TLUANGTEASEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373

C/o Marina: 9436140350 (10-1)

MAFELASEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna Ph: 9233440125 (10-1)

PUIASEPTIC TANK SERVICE

Septic tank paihfai, commode block, pipe, commode fitting, soak pit leh a khur repairing engkim kan khawih thei e.

Rate: Inbiakremna Ph: 6909266562 (10-6)

SAWMASEPTIC TANK SERVICE

Septic Tank khat paih fai, Commode block, Pipe Fit, Sockpit thar siam, engkim kan thawk thei e.

Rate: Inbiakremna Ph: 8119969364 (10-4)

VANCHHAWNGSEPTIC TANK

Septik tank khat englai pawh in kan paih fai thei a, repair, commod block, pippe block kan siam thei baw e,

Rate: Inbiakremna Ph. no: 9615458679 (10-4)

MD SEPTIC TANK SERVICE

Septic Tank paih fai leh commode block, soak pit hlui leh a thar kan siam thei a, pipe fitting engkim kan thawk thei e.

Rate: Inbiakremna Ph: 8258950077 (10-3)

VANLALFELASEPTIC TANK

Septic tank paih fai, commode block, pipe, soak pit tha lo leh a thar pawh kan siam thei reng e. Kan sulhnu a fel fai a, service hlun leh rin tlak kan ni e. Hmanrua engkim kan intodelh bakah kan rate a tlawm e.

Contact: 9436199884 (10-3)

L.H. SEPTIC TANK SERVICE

Septic tank paihfai leh repairing engkim kan thawk thei e.

Kum 17 chuang experience nei kan ni e.

Rate: 4500/- per trip

Ph.: 6909183193 (10-2)

KHIANGTE SEPTIC TANK SERVICE

Septic Tank khat paihfai, khur chung lutin, Comode Block, Soak pit thar siam, Pipe Repair engkim a neitu te lungawi na thlap in kan thawk thei e.

Contact - 9862344971 Bawngkawn South (10-3)

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.

Ph: 9774223462 / 7005010327 (10-9)